

# ՅԱՅՏԱՐԱՐՈՒԹԻՒՆ

Երկրում կատարուած վերջին իրադարձութիւնները՝ պետական յեղաշրջման ձախողումն ու ուժերի նոր յարաբերակցութիւնը, քաղաքական իրավիճակի փոփոխութեան են յանգեցրել: Այս պայմաններում կարելորում է պետական նոր յարաբերութիւնների ձեւատրմանը Հայաստանի մասնակցութեան հարցը: Քննարկելով քաղաքական ընհանուր իրավիճակը, վերջին երեք շաբաթների դէպքերի հերթագայութիւնը, գիտակցելով առաջիկայ քայլերի նշանակութիւնը Հայաստանի եւ Արցախի համար՝ Հայ Յեղափոխական Դաշնակցութիւնը Հայաստանի իշխանութեան գերագոյն մարմնին է ներկայացնում հետևեալ նկատառումները.

1. Անընդունելի համարել ԽՍՀՄ պրեզիդենտի եւ միութենական հանրապետութիւնների ղեկավարների համատեղ յայտարարութիւնը ստորագրելու ՀՀ Գերագոյն Խորհրդի նախագահ Լ. Տէր Պետրոսեանի միանձնեայ որոշումը եւ այնուհետեւ Պետական Խորհրդին անդամակցելը: Այս քայլը քաղաքական արմատական որոշում է, ոչ սոսկ յայտարարութեան ստորագրում, ուստի եւ անհրաժեշտ էր ստանալ Հայաստանի ԳԽի հաւանութիւնը:

2. Այսօր քաղաքական իրադարձութեան փոփոխութեան թելադրանքով Հայաստանի ներկայ իշխանութիւնները արդէն իսկ որդեգրել են ՀՅԴԻ նախանշած խորհրդակցութիւններին մասնակցելու քաղաքականութիւնը: Սա ողջունելի է: Սակայն Հայաստանի իշխանութեան, անձամբ Լ. Տէր Պետրոսեանի միագիծ, համատ, առնակատման միտող քաղաքականութիւնը ծանր հետեւանքներ ունեցաւ: Մենք հայրենիք կորցրինք, տունցիք բազմաթիւ գոհեր, բռնի տեղահանուեցին 23 գիւղեր, շատ անլի խորացաւ Հայաստանի եւ յատկապէս Արցախի տնտեսական ճգնաժամը, սոցիալական լարուածութիւնն անլի սրունց:

3. ՀՅԴաշնակցութիւնը գտնում է, որ անցումային շրջանի պետական մարմինների ձեւատրմանը Հայաստանը պէտք է մասնակցի՝ մինչեւ ժողովրդի շահերի եւ հանրապետութեան կամքի արտայայտման հիման վրայ պետական նոր յարաբերութիւնների հաստատումը: Այս իմաստով յոյժ կարելորում է Սեպտեմբերի 21ի հանրաքուէն, որի միանշանակ «այո»ի ապահովումը ամենքիս գլխաւոր գործն է:

4. Ինչպէս նախկինում, այնպէս էլ այժմ նոր պետական կառոյցներին մեր մասնակցութիւնը կապում է ամենից առաջ Արցախի հիմնահարցին: ՀՅԴաշնակցութիւնը պահանջում է անցման շրջանի իշխանութեան մարմիններին Հայաստանի մասնակցութիւնը պայմանաւորել Պետական խորհրդի կողմից Արցախի բնակչութեան կեանքի ու գոյքի ապահովութեան երաշխիքների առկայութեամբ, տեղահանուած հայկական գիւղերի վերաբնակեցմամբ, իր ճակատագիրը տնօրինելու Արցախի ժողովրդի իրաւունքի ճանաչմամբ եւ պետական նոր կառոյցներում համապատասխան կարգավիճակով նրա անմիջական ներկայութեամբ: